

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Disputatio Theologica De Poenitentia Infantum Qua Occasione Oraculi, Joel. II, 16. ...

**Chladni, Martin
Schroeder, Johann
Vitembergae, 1719**

VD18 11653507

Accessvs

[urn:nbn:de:bsz:31-130424](https://nbn-resolving.org/urn:nbn:de:bsz:31-130424)



I. N. 7.

DISPUTATIO THEOLOGICA
DE
POENITENTIA INFANTVM

ACCESSVS.



Quando *Matth. XVIII, 3.* Salvator
dulcissimus discipulos suos de
προεδρία in regno caelorum disce-
ptantes in ordinem redacturus at-
que ad infantes ablegaturus his
verbis utitur : *εάν μή στραφήτε
ή γεγένηθε ως τὰ παιδια, ε μη
εισελθητε εις την βασιλειαν των
ξεραων* in eam descendo sententiam, Ipsum non mo-
do *superbiam & ambitum* hoc dicto (in cujus explicatio-
nem & meliorem intellectum, ipsius etiam pueri in me-
dium advocati exemplum ob oculos illis sistit,) reprime-
re, verum etiam id docere voluisse, *ne infantes con-
temnamus, vel officinam Spiritus Sancti illos prabere non
posse*

A

posse

posse existimeramus, sed potius certi sumus, participes esse Regni cœlorum & frui donis gratiæ applicatrici. Quæ de causa v. 20. illo contemptu severe interdicit Salvator & rationem duplicem addit, alteram petitam ex eo, quod Angeli infantum semper videant faciem Patris coelestis in cœlis, adeoque curam gerere ipsorum tenerrimam jubeantur: alteram ex eo, quod Filius hominis venerit, ad salvandum id, quod sit amissum: ut sic credamus, eum Puerulorum & Infantum peculiarem habere rationem, & quæ ad salutem adipiscendam pertinent, mediâ, non saltem liberaliter illis, æque ac aliis hominibus & adultis, offerre, verum etiã conferre, quicquid ad istum finem in illis subjectis proportionatum esse deprehendit. Jucundum igitur est, meditando intueri, quænam illæ functiones sint, quas Spiritus S. in cordibus tenellorum talium suscipiat, quosque effectus producat. Et quamvis indaganti multa maneant imperfecta & impervia, si negotium regenerationis infantum evolvamur, licet tamen vestigia Scripturæ & clarissimorum in ea oraculorum sequi, & ex illis, quantum Analogia fidei duce & comite asseri potest, deducere ac demonstrare. Atque eo pertinebit Scrutinium præsens de Pœnitentia Infantum, de qua meditandi ansa subnata est, ubi accuratius paulo intueri cœpi Oraculum Joëliticum, quo Propheta divinus una cum Senibus effoetis etiã in congregationem publicam supplicationis causa institutam parvulos & infantes adduci jubet. Illud vero pro viribus ingenii mediocribus Numinis auxilio ita excutiam, ut Sectione Exegetica & Dogmatica omnia sim comprehensurus. Quæ de causa DEVM benignissimum rogo, ut huic cœpto meo ex altis largissime benedicere velit!